





第五九四册

四庫全書

●上海古籍出版社

本冊目次

諸 著 志

溪 蠻 叢 笑

眞 臘 風 土 記

島 夷 志 略

朝 鮮 賦

海 語

東 西 洋 考

職 方 外 紀

赤 雅

朝 鮮 志

皇 清 職 貢 圖

坤 輿 圖 說

異 域 錄

宋 趙汝适撰……………一

宋 朱 輔撰……………四三

元 周達觀撰……………五三

元 汪大淵撰……………七一

明 董 越撰……………一〇五

明 黃 衷撰……………一一七

明 張 燮撰……………一三七

明 西洋艾儒略撰……………二七九

明 鄭 露撰……………三三七

明 不著撰人……………三六九

清 傅 恆等奉敕撰……………三九五

清 西洋南懷仁撰……………七二九

清 覺羅圖理琛撰……………七九三

欽定四庫全書

史部
諸蕃志卷上

詳校官太常寺少卿臣陳桂森

編修臣程嘉謨覆勘

繕錄監生臣陳遜

欽定四庫全書

史部十一

諸蕃志

地理類十
外紀之屬

提要

臣等謹案諸蕃志二卷宋趙汝迺撰汝迺始

末無考惟據宋史宗室世系表知其為岐王

仲忽之元孫安康郡王士說之曾孫銀青光

祿大夫不柔之孫善待之子出於簡王元份

房上距太宗八世耳此書乃其提舉福建路

欽定四庫全書

諸蕃志

市舶時所作於時宋已南渡諸蕃惟市舶僅

通故所言皆海國之事宋史外國列傳實引

用之核其叙次事類歲月皆合但宋史詳事

蹟而畧於風土物產此則詳風土物產而畧

於事蹟蓋一則史傳一則雜志體各有宜不

以偏舉為病也所列諸國賓瞳龍史作賓同

隴登流眉史作丹派眉阿婆羅拔史作阿蒲

羅拔麻逸史作摩逸蓋譯語對音本無定字

龍隴三聲之通登丹蒲婆麻摩雙聲之轉呼

有輕重故文有異同無由核其是非今亦各

仍其舊惟南宋僻處臨安海道所通東南為

近志中乃兼載大秦天竺諸國似乎隔越西

域未必親覩其人然考冊府元龜載唐時祇

教稱大秦寺程史所記廣州海獠即其種類

又法顯佛國記載陸行至天竺附商船還晉

知二國皆轉海可通故汝逆得于福州見其

欽定四庫全書

通志

市易然則是書所記皆得諸見聞親為詢訪

宜其敘述詳核為史家之所依据矣乾隆四

十六年三月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

諸蕃志卷上

志國

交趾國

宋 趙汝适 撰

交趾古交州東南薄海接占城西通白衣蠻北抵欽州

歷代置守不絕賦入至薄守禦甚勞皇朝重武愛人不

欲宿兵瘴癘之區以守無用之土因其獻款從而羈縻

之王係唐姓服色飲食畧與中國同但男女皆跣足差

欽定四庫全書

諸蕃志

異耳每歲正月四日椎牛饗其屬以七月十五日為大

節家相問遺官寮以生口獻其酋十六日開宴酬之歲

時供佛不祭先病不服藥夜不燃燈樂以蚺蛇皮為前

列

案此句未詳

不能造紙筆求之省地

案省地二字亦未詳

土產

沉香蓬萊香生金銀鐵朱砂珠貝犀象翠羽車渠鹽漆

木綿吉貝之屬歲有進貢其國不通商以此首題言自

近者始也舟行約十餘程抵占城國

占城國

占城東海路通廣州西接雲南南至真臘北抵交趾通

邕州自泉州至本國順風舟行二十餘程其地東西七

百里南北三千里國都號新州有縣鎮之名甃埭為城

護以石塔王出入乘象或乘軟布兜四人舁之

宋史外國列

傳云王出近則乘軟布兜遠則乘象或乘一木杠五字頭戴

四人舁之據此則布兜下當脫或乘一木杠五字頭戴

金帽身披瓔珞王每出朝坐輪使女三十人持劍盾或

捧檳榔從官屬謁見膜拜一而止白事畢膜拜一而退

婦人拜揖與男子同男女犯姦皆殺盜有斬指斷趾之

欽定四庫全書

諸番志
卷上

二

刑戰則五人結甲走則同甲皆坐以死唐人被土人殺

害追殺償死國人好潔日三五浴以腦麝合香塗體又

以諸香和焚薰衣四時融暖無寒暑候每歲元日羣象

周行所居之地然後驅逐出郭謂之逐邪四月有遊船

之戲陳魚而觀之定十一月望日為冬至州縣以土產

物帛獻於王民間耕種率用兩牛五穀無麥有杭粟麻

豆不產茶亦不識醞釀之法止飲椰子酒菓實有蓮蔗

蕉椰之屬土地所出象牙箋沉速香黃蠟烏楠木白藤

吉貝花布絲絞布白氈單孔雀犀角紅鸚鵡等物官監

民入山斫香輸官謂之身丁香如中國身丁鹽稅之類

納足聽民貿易不以錢為貨惟博米酒及諸食物以此

充歲計若民入山為虎所噬或水行被鰐魚之厄其家

指其狀詣王王命國師作法誦呪書符殺民死所虎鰐

即自投赴請命殺之若有欺詐誣害之訟官不能明令

競至同過鰐魚潭其負理者魚即出食之理直者雖過

十餘次鰐自避去買人為奴婢每一男子鬻金三兩準

欽定四庫全書

諸番志
卷上

三

香貨酬之商舶到其國即差官摺黑皮為策書白字抄

物數監盤上岸十取其二外聽交易如有隱瞞籍沒入

官者商輿販用腦麝檀香草席涼傘絹扇漆器甕器鉛

錫酒糖等博易舊州烏麗日麗越裏微的賓瞳龍烏馬

扳弄容蒲羅甘兀亮寶毗齊皆其屬國也其國前代罕

與中國通周顯德中始遣使入貢皇朝建隆乾德間各

貢方物太平興國六年交趾黎桓上言欲以其國俘九

十三人獻於京師太宗令廣州止其俘存撫之自是貢

獻不絕輒以器幣優賜嘉其嚮慕聖化也國南五七日程至真臘國

賓瞳龍國

賓瞳龍國地主手飾衣服與占城同以葵蓋屋木作柵護歲貢方物於占城今羅漢中有賓頭盧尊者蓋指此地言之賓瞳龍音訛也或云目連舍利尚存雍熙四年同大食國來貢方物

真臘國

欽定四庫全書

諸葛志
卷上

四

真臘接占城之南東至海西至蒲甘南至加羅希自泉州舟行順風月餘日可到其地約方七千餘里國都號祿元天氣無寒其王粧東大概與占城同出入儀從則過之間乘輦駕以兩馬或用牛其縣鎮亦與占城無異官民悉編竹覆茅為屋惟國王錫石為室有青石蓮花池沼之勝跨以金橋約三十餘丈殿宇雄壯侈麗特甚王坐五香七寶床施寶帳以紋木為竿象牙為壁群臣入朝先至階下三稽首升階則跪以兩手抱膊遠王環

坐議政事訖跪伏而退西南隅銅臺上列銅塔二十有四鎮以八銅象各重四千斤戰象幾二十萬馬多而小奉佛謹嚴日用番女三百餘人舞獻佛飯謂之阿南即妓第也其俗淫姦則不問犯盜則有斬手斷足燒火印宵之刑其僧道呪法靈甚僧衣黃者有室家衣紅者寺居戒律精嚴道士以木葉為衣有神曰婆多利祠祭甚謹以石手為淨左手為穢取雜肉羹與飯相和用右手掬而食之厥土沃壤田無畛域視力所及而耕種之米穀廉平每兩烏鉛可博米二斗土產象牙暫速細香粗熟香黃蠟翠毛此國最多篤耨腦篤耨瓢番油姜皮金顏香蘇木生絲綿布等物番商輿販用金銀甕器假錦涼傘皮鼓酒糖醢醢之屬博易登流眉波斯蘭羅斛三漈真里富麻羅間綠洋吞里富蒲甘窰裏西棚杜懷澤番皆其屬國也本國舊與占城鄰好歲貢金兩因淳熙四年五月望日占城主以舟師襲其國都請和不許殺之遂為大讐誓必復怨慶元己未大舉入占城俘其主戮其

欽定四庫全書

諸葛志
卷上

五

臣僕勦殺幾無噍類更立真臘人為主占城今亦為真臘屬國矣唐武德中始通中國國朝宣和二年遣使入貢其國南接三佛齊屬國之加羅希

登流眉國

宋登流眉宋史作丹流眉

登流眉國在真臘之西地主椎髻簪花肩紅蔽白朝日登場初無殿宇飲食以葵葉為椀不施匕筯掬而食之有山曰無弄釋迦涅槃示化銅像在焉產白豈蔻窰沉速香黃蠟紫礦之屬

欽定四庫全書

諸番志卷上

六

蒲甘國

蒲甘國官民皆撮髻於額以色帛繫之但地主別以金冠其國多馬不鞍而騎其俗奉佛尤謹僧皆衣黃地主早朝官僚各持花來獻僧作梵語祝壽以花戴王首餘花歸寺供佛國有諸葛武侯廟皇朝景德元年遣使同三佛齊大食國來貢獲預上元觀燈崇寧五年又入貢

三佛齊國

三佛齊間於真臘閩婆之間管州十有五在泉之正南

冬月順風月餘方至凌牙門經商三分之一始入其國國人多姓蒲累覽為城周數十里國王出入乘船身纏縵布蓋以綃傘衛以金鏢其人民散居城外或作牌水居鋪板覆茅不輪租賦習水陸戰有所征伐隨時調發立酋長率領皆自脩兵器糗糧臨敵敢死伯於諸國無緡錢止鑿白金貿易四時之氣多熱少寒畜類國中

欽定四庫全書

諸番志卷上

七

國有花酒椰子酒檳榔蜜酒皆非麴蘖所醞飲之亦醉國中文字用番書以其王指環為印亦有中國文字上章表則用焉國法嚴犯姦男女悉寘極刑國王死國人削髮成服其侍人各願殉死積薪烈燔躍入其中名曰同生死有佛名金銀山佛像以金鑄每國王立先鑄金形以代其軀用金為器皿供奉甚嚴其金像器皿各鑄誌示後人勿毀國人如有病劇以銀如其身之重施國之窮乏者云可緩死俗號其王為龍精不敢殺食惟以沙糊食之否則歲旱而殺貴浴以薔薇露用水則有巨浸之患有百寶金冠重甚每大朝會惟王能冠之他人

莫勝也傳禪則集諸子以冠授之能勝之者則嗣舊傳其國地面忽裂成穴出牛數萬成群奔突入山人競取食之後以竹木窒其穴遂絕土地所產瑤瑁腦子沉速暫香粗熟香降真香丁香檀香荳蔻外有真珠乳香薷薇水梔子花臘臍臍沒藥蘆薈阿魏木香蘇合油象牙珊瑚樹猫兒睛琥珀番布番劍等皆大食諸番所產萃於本國番商與販用金銀甕器錦綾緞絹糖鐵酒米乾良薑大黃樟腦等物博易其國在海中扼諸番舟車往來之咽喉古用鐵練為限以備他盜操縱有機若商舶至則縱之比年寧謐撤而不用堆積水次土人敬之如佛舶至則祠焉沃以油則光焰如新鰐魚不敢踰為患若商舶過不入即出船合戰期以必死故國之舟輻湊焉蓬豐登牙儂凌牙斯加吉蘭丹佛羅安日羅亭潛遁拔沓單馬令加羅希巴林馮新拖監覽藍無里細蘭皆其屬國也其國自唐天祐始通中國皇朝建隆間凡三遣貢淳化三年告為闍婆所侵乞降詔諭本國從之咸

平六年上言本國建佛寺以祝聖壽願賜名及鐘上嘉其意詔以承天萬壽為額併以鐘賜焉至景德祥符天禧元祐元豐貢使絡繹輒優詔獎慰之其國東接戎牙路或作重迎盧

單馬令國

單馬令國地主呼為相公以木作柵為城廣六七尺高二丈餘上堪征戰國人乘午打髻跣足屋舍官場用木民居用竹障以葉繫以藤土產黃蠟降真香速香烏櫛

木腦子象牙犀角番商用綃傘雨傘荷池緬絹酒米鹽糖甕器盆鉢簾重等物及用金銀為盤盂博易日囉亭潛邁拔沓加囉希類此本國以所得金銀器糾集日囉亭等國類聚獻入三佛齊國

凌牙斯國

凌牙斯國自單馬令風帆六晝夜可到亦有陸程地主纏縵跣足國人剪髮亦纏縵地產象牙犀角速暫香生香腦子番商與販用酒米荷池緬絹甕器等為貨各先

以此等物準金銀然後打博如酒臺燈準銀一兩準金二錢米二燈準銀一兩十燈準金一兩之類歲貢三佛齊國

佛囉安國

佛囉安國自凌牙斯加四日可到亦可遵陸其國有飛來佛二尊一有六臂一有四臂賊舟欲入其境必為風挽回俗謂佛之靈也佛殿以銅為瓦飾之以金每年以六月望日為佛生日動樂鏡鉦迎導甚都番商亦預焉

欽定四庫全書

諸番志
卷上

十

土產速暫香降真香檀香象牙等番商以金銀鍍鐵漆器酒米糖麥博易歲貢三佛齊其鄰蓬豐登牙儂加吉蘭丹類此

新拖國

新拖國有港水深六丈舟車出入兩岸皆民居亦務耕種架造屋宇悉用木植覆以椶櫚皮藉以木板障以藤篾男女裸體以布纏腰剪髮僅留半寸山產胡椒粒小而重勝於打板地產東瓜甘蔗豌豆糖菜但地無正官

好行剽掠番商罕至輿販

藍篁國

藍篁國其國當路口船舶多泊此從三佛齊國風帆半月可到舊屬三佛齊後因爭戰遂自立為王土產白錫象牙真珠國人好弓箭殺人多者帶符標榜互相誇詫五日水路到藍無里國

藍無里國

藍無里國土產蘇木象牙白藤國人好闘多用藥箭北

欽定四庫全書

諸番志
卷上

十一

風二十餘日到南毗管下細蘭國自藍無里風帆將至其國必有電光閃爍知是細蘭也其王黑身而逆毛露頂不衣止纏五色布躡金線紅皮履出騎象或用軟兜日啖檳榔煉真珠為灰屋宇悉用猫兒睛及青紅寶珠瑪瑙雜寶粧飾仍用藉地以行東西有二殿各植金樹柯莖皆用金花實并葉則以猫兒睛青紅寶珠等為之其下置金椅以琉璃為壁王出朝早升東殿晚升西殿坐處常有寶光益日影照射琉璃與寶樹相映如霞光

閃爍然二人常捧金盤從承王所啖檳榔滓從人月輪
金一鎰於官庫以所承檳榔滓內有梅花腦并諸寶物
也王握寶珠徑五寸火燒不煖夜有光如炬王日用以
拭面年九十餘顏如童國人肌膚甚黑以縷纏身露頂
跣足以手掬飯器皿用銅有山名細輪疊頂有巨人跡
長七尺餘其一在水內去山三百餘里其山林水低昂
周環朝拱產貓兒睛紅玻璃腦青紅寶珠地產白荳蔻
木蘭皮麝細香番商轉易用檀香丁香腦子金銀甕器
欽定四庫全書

諸番志
卷上

十三

馬象絲帛等為貨歲進貢於三佛齊

閩婆國

閩婆國又名莆家龍於泉州為丙巳方率以冬月發船
蓋藉北風之便順風晝夜行月餘可到東至海水勢漸
低女人國在焉愈東則尾閭之所泄非復人世泛海半
月至崑崙國南至海三日程泛海五日至大食國西至
海四十五日程北至海四日程西北泛海十五日至渤
泥國又十日至三佛齊國又七日至古邏國又七日至

紫歷亭抵交趾達廣州國有寺二一名聖佛一名捨身
有山出鸚鵡名鸚鵡山其王椎髻戴金鈴衣錦袍躡革
履坐方牀官吏日謁三拜而退出入乘象或腰輿壯士
五七百輩執兵以從國人見王皆坐俟其過乃起以王
子三人為副王官有司馬僕落倍連共治國事如中國
宰相無月俸隨時量給土產諸物次有文吏三百餘員
分主城池帑廩及軍卒其領兵者歲給金二十兩勝兵
三萬歲亦給金有差土俗婚聘無媒妁崇勝字原脫今依宋史補入
欽定四庫全書

諸番志
卷上

十三

但納黃金於女家以取之不設刑禁犯罪者隨輕重出
黃金以贖惟寇盜則寘諸死五月遊船十月遊山或跨
山馬或乘軟兜樂有橫笛鼓板亦能舞山中多猴不畏
人呼以霄霄之聲即出投以果實則有大猴先至土人
謂之猴王先食畢群猴食其餘國中有竹園有闌雞闌
猪之戲屋宇壯麗飾以金碧賈人至者館之賓舍飲食
豐潔土人被髮其衣裝纏臂下至於膝疾病不服藥但
禱求神佛民有名而無姓尚氣好鬪與三佛齊有讐言互

相攻擊宋元嘉十二年嘗通中國後絕皇朝淳化三年

復修朝貢之禮其地坦平宜種植產稻蔗粟豆無麥耕

田用牛民輸十一之租

案十一二字原本誤作土今依宋史改正

煮海為鹽

多魚鼈雞鴨山羊魚椎馬牛以食果實有大瓜椰子蕉

子甘蔗芋出象牙犀角真珠龍腦瑁瑁檀香茴香丁香

荳蔻草澄茄降真香花簾番釵胡椒檳榔硫黃紅花蘇

木白鸚鵡亦務蠶織有雜色綉絲吉貝綾布地不產茶

酒出於椰子及蝦獾丹樹之中此樹華人未曾見或以

欽定四庫全書

諸番志
卷上

十四

檳榔檳榔釀成亦自清香蔗糖其色紅白味極甘美以

銅銀鍮錫雜鑄為錢錢六十準金一兩三十二準金半

兩者商興販用夾雜金銀及金銀器皿五色纈綃皂綾

川芎白芷硃砂綠礬白礬鵬砂砒霜漆器鐵鼎青白甕

器交易此番胡椒萃聚商舶利倍徙之獲往往冒禁潛

載銅錢博換朝廷屢行禁止興販番商詭計易其名曰

蘇吉丹

蘇吉丹

蘇吉丹即閩婆之支國而接新拖東連打板有山峻極

名保老岸番舶未到先見此山頂聳五峰時有雲覆其

上其王以五色布纏頭跣足路行蔽以涼傘或皂或白

從者五百餘人各持鎗劍鏢刀之屬頭戴帽子其狀不

一有如虎頭者如鹿頭者又有如牛頭羊頭雞頭象頭

獅頭猴頭者旁挿小旂以五色纈綃為之土人男剪髮

女打髻皆裸體跣足以布纏腰民間貿易用雜白銀鑒

為幣狀如骰子上鏤番官印記六十四隻準貨金一兩

欽定四庫全書

諸番志
卷上

十五

每隻博米三十升或四十升至百升其他貿易悉用是

名曰閩婆金可見此國即閩婆也架造屋宇與新拖同

地多米穀巨富之家倉儲萬餘石有樹名波羅蜜其實

如東瓜皮如栗殼肉如柑瓣味極甘美亦有荔支芭蕉

甘蔗與中國同荔支曬乾可療痢疾蕉長一尺蔗長一

丈此為異耳蔗汁入藥醞釀成酒勝如椰子地之所產

大率與閩婆無異胡椒最多時和歲豐貨銀二十五兩

可博十包至二十包每包五十升設有凶歉寇攘但易

其半採椒之人為辛氣薰迫多患頭痛餌川芎可愈蠻婦搽抹及婦人染指甲衣帛之屬多用朱砂故番商與販率以二物為貨厚遇商賈無宿泊飲食之費其地連百花園麻東打板禧寧戎牙路東峙打網黃麻駐麻箇牛論丹戎武囉底勿平牙夷勿奴孤皆閩婆之屬國也打板國東連大閩婆號戎牙路或作重居民架造屋宇與中國同其地平坦有港通舟車往來產青鹽綿羊鸚鵡之屬番官勇猛與東邊賊國為姻彼以省親為名番

欽定四庫全書

諸番志

十六

舶多遭劫掠之患甚至俘人以為奇貨每人換金二兩或三兩以此商貨遂絕賊國丹重布頭琶離孫他故論是也打網黃麻駐麻箇牛論丹戎武囉底平牙夷勿奴孤等國在海島中各有地主用船往來地罕耕種國多老樹內產沙糊狀如麥麵土人用水為圓大如綠荳曬乾入包儲蓄為糧或用魚及肉雜以為羹多嗜甘蔗芭蕉搗蔗入藥醞釀為酒又有尾巴樹剖其心取其汁亦可為酒土人壯健凶惡色黑而紅裸體文身剪髮跣足飲食不用器皿

樹葉以從事食已則棄之民間博易止用沙糊準以升斛不識書計植木為棚高二丈餘架屋其上障蓋與新拖同土產檀香丁香荳蔻花簞番布鐵鋤器械等物內丹戎麻箇武囉尤廣袤多蓄兵馬稍知書計土產降真黃蠟細香瑇瑁等物丹戎武囉亦有之率不事生業相尚出海以舟劫掠故番商罕至焉

南毗國

南毗國在西南之極自三佛齊便風月餘可到國都號

欽定四庫全書

諸番志

十七

筏阿抹唐語曰禮司其主裸體跣足縛頭纏腰皆用白布或著白布窄袖衫出則騎象戴金帽以真珠珍寶雜拖其上臂繫金纏足圍金鍊儀仗有麝用孔雀羽為飾柄拖銀朱凡二十餘人左右翊衛從以番婦擇貌壯奇偉者前後約五百餘人前者舞導皆裸體跣足止用布纏腰後者騎馬無鞍纏腰束髮以真珠為纓絡以真金為纏鍊用腦麝雜藥塗體蔽以孔雀毛傘其餘從行官屬以白番布為袋坐其上名曰布袋轎以扛舁之扛包

以金銀在舞婦之前國多沙地王出先差官一員及兵

卒百餘人持水灑地以防颶風播揚飲食精細鼎以百

計日一易之有官名翰林供王飲食視其食之多寡每

裁約之無使過度或因而致疾則嘗糞之甘苦以療治

之國人紫色耳輪垂肩習弓箭善刀稍喜戰鬪征伐皆

乘象臨敵以綵纈纏頭事佛尤謹地暖無寒米穀麻豆

麥粟芋菜食用皆足價亦廉平鑿錫白銀為錢鑄官印

記民用以貿易土產真珠諸色番布兜羅綿國有淡水

欽定四庫全書

諸蕃志

十八

江乃諸流湊匯之處江極廣袤旁有山窾兀常有星現

其上秀氣鍾結產為小石如猫兒睛其色明透埋於山

坎中不時山發湧洪推流官時差人乘小舸採取國人

珍之故臨胡茶辣甘邑逸弼離沙麻囉華馮牙囉麻哩

抹都奴何啞哩喏嗽囉囉哩皆其屬國也其國最遠番

舶罕到時羅巴智力干父子其種類也今居泉之城南

土產之物本國運至吉羅達弄三佛齊用荷池纈綃薺

器樟腦大黃黃連丁香腦子檀香豈寇沉香為貨商人

就博易焉

故臨國

故臨國自南毗舟行順風五日可到泉舶四十餘日到

藍里住冬至次年再發一月始達土俗大率與南毗無

異土產椰子蘇木酒用蜜糖和椰子花汁醞成好事弓

箭戰鬪臨敵以綵纈纏髻交易用金銀錢以銀錢十二

準金錢之一地暖無寒每歲自三佛齊監覽吉陀等國

發船博易用貨亦與南毗同大食人多寓其國中每浴

欽定四庫全書

諸蕃志

十九

單用鬱金塗體蓋欲仿佛之金身

紫仿佛原作
彷彿今改正

胡茶辣國

胡茶辣國管百餘州城有四重國人白淨男女皆穴耳

墜重環着窄衣纏纈布戴白煖耳躡紅皮鞋人禁葷食

有佛宇四千區內約二萬餘妓每日兩次歌獻佛飯及

獻花獻花用吉貝線結縛為毬日約用三百斤有戰象

四百餘隻兵馬約十萬王出入乘象頂戴金冠從者各

乘馬持劔土產青碇至多紫礦苛子諸色番布每歲轉

運就大食貨賣

麻囉華國

麻囉華國與胡茶辣連接其國管六十餘州有陸路衣服風俗與胡茶辣國同產白布甚多每歲約發牛二千餘隻馳布就陸路往他國博易

注輦國

注輦國西天南印度也東距海五里西至西天竺千五百里南至羅蘭二千五百里北至頓田三千里自古不

欽定四庫全書

諸番志
卷上

千

通商水行至泉州約四十一萬一千四百餘里欲往其國當自故臨易舟而行或云蒲甘國亦可往其國有城七重高七尺南北十二里東西七里每城相去百步四城用磚二城用土最中城以木為之皆植花菓雜木第一第二城皆民居環以小濠第三第四城侍郎居之第五城王之四子居之第六城為佛寺百僧居之第七城即王之所居屋四百餘區所統有三十一部落其西十二日只都尼施亞盧尼羅琶離麗琶移布林琶布尼古

檀布林蒲登故里婆輪岑本蹄揭蹄閭黎池离那部尼

遮古林亞里者林其南八日無雅加黎麻藍眉古黎苦

低舍里尼蜜多羅摩伽藍蒲登蒙伽林伽藍琶里琶离

遊亞林池蒙伽藍其北十二日撥羅耶無沒离江林伽

里蒙伽藍漆結麻藍握折蒙伽藍皮林伽藍蒲稜和藍

堡琶来田注离盧娑囉迷蒙伽藍

崇三十一部落之名原本訛脫不一今皆

依宋史改正民有罪命侍郎一員處治之輕者繫於木格笞

五七十至一百重者即斬或以象踐殺之其宴則王與

欽定四庫全書

諸番志
卷上

千

四侍郎膜拜於階遂共作樂歌舞不飲酒而食肉俗衣布亦有餅餌掌饌執事用妓近萬餘家日輪三千輩祇後其嫁娶先用金銀指環使媒婦至女家後三日會男家親族約以田土生畜檳榔酒等稱其有無為禮女家復以金銀指環越諾布及女所服錦衣遺婿若男欲離女則不敢取聘財女欲却男則倍償之其國賦稅繁重客旅罕到與西天諸國鬪戰官有戰象六萬皆高七八尺戰時象背立屋載勇士遠則用箭近則用槊戰勝者

象亦賜號以旌其功國人尚氣輕生或有當王前用短兵格鬪死而無悔父子兄弟不同金而釁不共器而食然甚重義地產真珠象牙珊瑚玻璃櫛豆蔻琉璃色絲布吉貝布獸有山羊黃牛禽有山雞鸚鵡巢有餘甘藤蘿千年棗椰子甘羅崑崙梅波羅蜜之類花有白茉莉散絲蛇膽桑麗秋青黃碧婆羅瑤蓮蟬紫水蕉之類五穀有綠黑豆麥稻地宜竹自昔未嘗朝貢大中祥符八年其王遣使貢真珠等譯者導其言曰願以表遠人

欽定四庫全書

諸番志
卷上

十一

慕化之意詔閣門祇候史祐之館伴宴錫恩例同龜茲使適值承天節其使獲預啓聖院祝壽至熙寧十年又貢方物神宗遣內侍勞問之其餘南尼華囉等國不啻百餘悉冠以西天之名又有所謂王舍城者俗傳自交趾之北至大理大理西至王舍城不過四十程按賈耽皇華西遠記云自安南通天竺是有陸可通其國然達麼之來浮海至番禺豈陸程迂迴不如海道之迅便歟

西天鵬茄囉國

西天鵬茄囉國都號茶那咭城圍一百二十里民物好勝專事剽奪以白研螺殼磨治為錢土產寶劍兜羅綿等布或謂佛教始於此國唐三藏元奘取經曾到

西天南尼華囉國

西天南尼華囉國城有三重人早晚浴以鬱金塗體效佛金色多稱婆羅門以為佛真子孫屋壁坐席悉塗牛糞相尚以此為潔家置壇崇三尺三級而升每晨焚香獻花名為供佛大食番商至其國則坐之門外館之別

欽定四庫全書

諸番志
卷上

十二

室具供帳器四婦人犯奸輒殺之官不問土產上等木香細白花藥布人多食酥酪飯豆菜少食魚肉道通西域西域忽有輕騎來劫但閉門距之數日乏糧自退

大秦國

大秦國

一名西天諸國之都會大食番商所萃之地也

其王號麻囉弗理安都城以帛織出金字纏頭所坐之物則織以絲罽有城市里巷王所居舍以水精為柱以石灰代瓦多設簾幃四圍開七門置守者各三十人有